

國學基本叢書
元憲集下

書叢本基學國

集 憲 元

(下)

撰 序 宋

行發館書印務商

元憲集目錄

卷一

賦八首

卷二

五言古詩四十六首
七言古詩五首

卷三

五言律詩七十四首

卷四

五言律詩六十九首

卷五

五言律詩七十二首

卷六

五言律詩六十二首

卷七

元 靈 集 目 錄

五言長律二十九首

卷八

五言長律二十九首

卷九

五言長律三十四首

卷十

七言律詩四十八首

卷十一

七言律詩五十九首

卷十二

七言律詩五十五首

卷十三

七言律詩五十六首 七言長律一首

卷十四

五言絕句六首 六言絕句一首 七言絕句七十五首

卷十五

七言絕句八十四首 帖子詞十五首附

卷十六

頌四首

卷十七

頌十五首

卷十八

表四十四首

卷十九

表二十四首

卷二十

外制三十二首

卷二十一

外制三十四首

卷二十二

元憲集 目錄

外制二十六首

卷二十三

外制三十四首

卷二十四

外制三十七首

卷二十五

外制四十三首

卷二十六

外制五十四首

卷二十七

內制四十八首

卷二十八

內制三十首

卷二十九

內制三十首

卷三十

內制七十七首

卷三十一

劄子七首

卷三十二

答內降手詔八首

卷三十三

行狀二首

卷三十四

墓誌銘四首 墓記三首 祭文一首

卷三十五

祝文十四首 狀一首 序五首

卷三十六

記二首 碑銘一首 連珠一首 論一首 說一首

臣等謹案元憲集宋庠撰庠字公序開封雍丘人天聖二年進士第一歷官檢校太尉平章事樞

密使封營國公以司空致仕。元憲其諡也。事蹟具宋史本傳。史稱庠所著有國語甫音三卷。紀年通譜十二卷。別集四十卷。掖垣叢志三卷。尊號錄一卷。今惟國語補音有傳本。已別著錄。餘書與文集並佚。永樂大典修于明初。距宋末僅百餘年。舊刻猶存。故得以采錄。而庠文章淹雅。可取者多。故所載特爲繁富。今以類排比。仍可得四十卷。因內有青詞樂語。不合文章正體。謹遵旨于刊本中刪削不錄。共存三十六卷。方回瀛奎律髓載夏竦守安州日。庠兄弟以布衣遊學。席上各賦落花詩。竦以爲有台輔器。趙令疇侯鯖錄亦云。二宋落花詩。爲時膾炙。今考庠詩所謂漢皋佩冶臨江失。金谷樓危到地香。祁詩所謂將飛更作回風舞。已落猶成半面妝者。特晚唐濃艷之格。實不盡其所長。祁集有和庠赴鎮園田遊西池作。極稱其長。楊獵近塞熊吼。太液歌殘瑞鶴飛。句嘆其驚邁。蔡條西清詩話亦稱之。又載其許昌西湖詩。鑿開魚鳥忘情地。展盡江湖極目天。曠古未有。然集中名章雋句。絡繹紛披。固不止是數聯也。文章多館閣之作。皆溫雅瑰麗。渾渾乎治世之音。蓋文章至五季而極弊。北宋諸家各奮起振作。以追復唐賢之舊。穆修柳開以至尹洙。歐陽脩。則沿洄韓柳之波。庠兄弟則方駕燕許之軌。譬諸買董枚馬。體製各殊。而同爲漢京之極盛。固不必論甘而忌辛。是丹而非素矣。陳振孫稱景文清約莊重。不迨其兄。以此不至公輔。今觀其集。庠有沈博之氣。而祁有新警之思。其氣象亦復小殊。所謂文章闢平器識者歟。書錄解題及文獻通考俱載是集。通考于是集之下又附註曰。一作湜中集。其名又異。然永樂大典實祇標元憲集。則非湜中集甚明。故今仍舊曰。不取通考。

之名焉。乾隆四十六年七月恭校上。

總纂官內閣學士臣紀昀

光祿寺卿臣陸錫熊

纂修官司經局洗馬臣劉權之

元憲集卷十八

表

十月一日奏告南京鴻慶宮太祖皇帝表

伏以告朔紀常。戒寒協序。瞻言像設。載極時思。恭惟尊謚皇帝。功冠往初。道隆燕翼。肇王基于有截。享天配于無窮。適履孟辰。永懷遺烈。

十月一日奏告永定陵真宗皇帝表

伏以就盈紀月。司閉成冬。惕悽愴于非寒。悼劬勞于罔極。恭惟尊謚皇帝。道勳冠古。德澤涵幽。罄圖牒以輸祥。擁慶靈而祚世。眇冲攸賴。摧感何云。

十月一日奏告永定陵莊獻莊懿莊惠皇太后表

伏以寒律甫升。孟躔適會。方班吉朔。實感先慈。恭惟尊謚皇太后。德茂坤元。化流椒極。溢話言于彤史。闕柔景于仙園。追荷顧存。舉成哀塞。

十月一日奏告西京應天院太祖太宗真宗皇帝表

伏以冬朔肇端。孝心叢感。仰別京之淨剎。肖華袞之眞游。恭惟尊謚皇帝。神化溥將。睿謀燕翼。早肅在天之御。參綿卜鼎之期。方荷慶圖。敢忘時惕。

十月一日奏告永定陵眞宗皇帝表

伏以天運弗停。水行茲始。感霜露非寒之惕。結衣冠游月之悲。恭惟尊諡皇帝。功濟三靈。道包衆甫。軼鴻名于上世。義寶訓于來昆。皇照靡渝。時思罔極。迷瞻靈寢。無喻哀悰。

十月一日奏告永定陵莊獻莊懿莊惠皇太后表

伏以冬管命時。歲陰布序。俯愴戒寒之候。聿深追遠之思。恭惟尊諡皇太后。坤載輪和。人倫託始。藹母闈之慈範。溢女史之芳猷。茂庇眇沖。永懷顧復。淒凝繁集。感寒何云。

年節賀皇太后表

元朔甫新。羣萌僊達。因慶儀之在旦。感慈訓之違顏。恭惟尊諡皇太后。徽範映辰。柔風冠古。擁慶靈而祚世。育微眇以承祧。追荷恩勤。永焉摧塞。

賀西京應天院太祖太宗眞宗表

伏以瑞歷開端。羣萌達氣。當治朝之普會。極仙駕之永懷。恭惟尊諡皇帝。道冠往初。文包載籍。恢世年于鼎卜。盛治燕于孫謀。仰賴丕休。益深遐感。

中元節奏告南京鴻慶宮太祖太宗眞宗皇帝表

伏以商瑄開秋。舒輪既望。感芳時之將謝。邁仙駕以長違。竊仰神姿。素嚴靖館。本弓劍軒臺之畏。謹衣冠漢廟之游。適履令辰。敢通哀悃。

中元節奏告永定陵眞宗皇帝表

伏以秋序迎郊。望辰旅夕。邈企山園之重。載驚霜露之濡。按歷未遑。因心若限。惟百靈之護野。協六氣之在天。嘉節甫新。哀悰永歎。

乾元節內中謝眞宗皇帝表二首

臣忝荷先謨。紹膺丕歷。爰屬誕辰之慶。實資聖系之開。雖著節有常。而銜哀罔極。惟期慎守。少答垂鴻。臣猥以眇躬。紹承不構。因誕辰之攸屆。感先願以如存。恭惟尊諡皇帝。茂烈欽明。深仁溥博。蹈百王之高致。詒億載之宏模。曾是通追。敢忘善守。幸循寶訓。迄此昌期。惟勤日慎之誠。仰答天靈之貺。

乾元節內中謝莊獻明肅皇太后表二首

伏以載震紀辰。相沿著令。爰覽慶儀之舊。恍驚慈訓之遠。矧熙盛之紹纂。固保安之所及。永懷懿烈。但極哀悰。

伏以司夏凝和。厥生名旦。率朝歡而惟日。緬慈訓以長懷。恭惟尊諡皇太后。德配坤靈。化均天覆。深戒練衣之儉。勵成黃屋之勤。事闕仙游。感叢慶日。庶謹承平之治。永全保祐之仁。

乾元節內中謝莊懿皇太后表

臣屏薄承基。劬勞託慶。方訂露囊之舊。追懷甲觀之祥。恭惟尊諡皇太后。淑聖凝姿。謙勤樹德。節尊名于蠡廟。留懿範于堯門。慈訓所鍾。眇躬攸賴。永言顧復。曷報生成。

乾元節內中謝莊惠皇太后表

伏以訛致御辰。誕彌紀節。因紹修于慶會。聿追慨于慈顏。恭惟尊諡皇太后。寶儉成猷。體仁逮下。參顧存于先命。專擁育于沖人。獲嗣丕基。率茲柔訓。敢忘勵翼。少報恩勤。

冬節賀南京鴻慶宮太祖皇帝表

伏以周歷紀正。魯儀候物。感迎長之命節。惕追遠以遺思。恭惟尊諡皇帝。握紀先天。開圖罄宇。翼孫謀而可大。謹神教以如存。仰慕睟容。式安眞館。木遑恭拜。增極哀悰。

冬節賀南京鴻慶宮太宗皇帝表

伏以天統肇新。朝章有慶。緬動時思之感。式瞻像設之嚴。恭惟尊諡皇帝。至德罕先。洪規裕後。享周廟不祧之配。留軒臺如在之神。仰庇孫謀。誕膺邦祉。敢忘厲惕。永答延洪。

冬節賀南京鴻慶宮眞宗皇帝表

伏以氣運循環。星躔迎至。感霜露非寒之愴。極衣冠游月之懷。恭惟尊諡皇帝。道格無方。威覃有截。迪長源于浩劫。正垂統于來昆。尚託仙祠。仰延威御。式臻嘉節。敢致哀誠。

冬節賀永定陵眞宗皇帝表

伏以歲律就陰。冬元復始。禮緣胡慶。感倍時思。恭惟尊諡皇帝。躬蹈聖猷。誕膺朕命。勒號榮而高世。詒統業以當天。神駕夕躋。仙園在望。永懷丕烈。罔喻哀悰。

冬節賀永定陵莊獻莊懿莊惠皇太后表

伏以流景弗居。微陽載始。爰屬嘉辰之會。永懷慈訓之遐。恭惟尊諡皇太后。淑哲綏猷。儉慈寶德。茂擁存之善教。協治燕之深仁。運隔仙游。感鍾長日。展巡未卜。哀涕無從。

冬節內中賀露香表

伏以律肇初陽。景回南極。育幽萌而有漸。翕繁祉以惟新。席眷上靈。布和嘉節。敢虔芳著。用達精誠。

降聖節內中謝露香表二首

伏以璿極監觀。雲耕降格。夙昭曠瑞。實紀靈辰。緊冬序之下弦。緬仙游之駐駕。敢忘薰奉。仰答禧祥。伏以仙御降臨。靈辰著令。每屬孟冬之屆。緬懷真蔭之降。爰即禁庭。奉嚴寶炷。冀憑芬潔。永導寅恭。

天貺節內中謝露香表

伏以月集函鍾。適迎于善氣。天垂綠錯。爰紀于休辰。緬懷瑞節之端。實表先真之志。允依層禁。恪奉名薰。寶瞻孔昭。繁禱永賴。

先天節內中謝露香表

伏以順啓秋辰。素標瑞節。肇先媒之寅奉。迹寶蔭以惟遐。爰祓名薰。上瞻冲境。精衷有嚮。茂敬攸綏。

乾元節內中謝露香表二首

臣某言。伏以序協恢台。辰杪震夙。享萬官之稱壽。荷六幕之叢禧。祇燎名薰。通誠寶帛。益祈鑒顧。永祐繁

昌。

伏以維夏開端。厥生逢旦。循邦令祝。延之會。感天俾熾昌之祥。虔奉名薰。上通真界。更期勵翼。永輯休嘉。

遂州天慶觀開啓爲民祈福道場密告三清表

伏以西土奧區。民生惟錯。上清寶貺。天鑒攸精。緊道樞應物之宗。有法醮祈祥之式。已謁靖館。卽啓靈場。敢密罄于虔誠。冀嚮臻于介福。庶茲黔細。普荷熙康。

爲南郊下元節更不于景靈宮朝拜奏告聖祖內制表

茲者順攷禮文。謹修郊報。預涓辰于齋戒。將致饗于仙宗。惟水官校籍之辰。有霞館奉觴之舊。敢停常謁。專獻盛儀。冲鑒孔昭。篤誠茲禱。

爲南郊冬節不備薦饗奏告眞宗皇帝莊獻莊懿莊惠皇太后表

伏以近卜天正。紹修帝配。聿嚴備物。親款太宮。惟盛禮之方虔。懼別祠之致黷。敢停常薦。庶一齋誠。

爲南郊于大內在京外處道場祈恩保安聖躬奏告三清諸聖表

伏以諷日仲冬。致誠吉時。肅陳齋輅。將次陽郊。雖祝灌之載虔。賴聖眞之潛護。庶成嚴配。永迓繁禧。

爲南郊于大相國寺道場祈恩保安聖躬奏告諸佛表

伏以廟祿惟嚴。郊薰有典。已涓景至。躬迓神休。將勤陟配之容。願集綏寧之祉。等慈無間。妙蔭焉依。

爲南郊于景靈宮道場祈恩保安聖躬奏告眞宗皇帝表

伏以清廟告虔。紫壇陟配。咸先期而蒞事。方率力以奉神。惟是眇躬。庇于先蔭。益希保佑。用克欽承。

爲南郊預告天地社稷表

恭以三載克禋。禮遵舊典。百神竝秩。義重親祠。俯神眇之簪臨。荷清寧之貺施。洽臻嘉運。丕冒羣生。宜躬執于豆蓬。克奉承于郊廟。庶勤大事。仰答靈休。涓日有期。薦辭惟恪。

爲南郊預告太廟表

臣紹承謀訓。獲擁基圖。茂臻太和。實庇餘福。祇事陟配。不敢疏忽。三載而舉。仰惟舊章。幸緣歲成。躬展郊報。仍期裸獻。用罄孝思。繕禮有初。薦信無昧。

爲南郊預告后廟奉慈廟表

恭以報本奉先。是均明察。薦馨盡志。以一親尊。緬惟郊配。實稱祭首。必躬而信。敢憚于行。屬茲順成。圖厥祇事。謝告吉土。紓慨闕宮。方謹先期。用虔孝祝。

爲南郊預告在京諸廟表

恭以郊報之虔。厥惟盛典。景長之序。允協靈辰。爰卜親祠。式揚大號。咸秩之禮。來饗有期。眷惟神聰。肯祐邦慶。

太廟雅飾奏告表

恭以郊配有期。裸迎惟重。瞻言清廟。前戒庶工。以時修除。用謹齋謁。蒞事伊始。薦信收稽。

爲南郊預前內中奏告露香表

伏以帝時有嚴。齋變圻駕。紛盛儀而允集。率精懇以方初。敢奉名薰。上通虛界。冀孚眷佑。永保綏寧。

爲南郊預前奏告內中壽寧堂皇儀殿諸佛表

伏以陽管將新。郊祠有報。冀微茂嘏。宏庇斯民。方躬展于盛容。更旁休于妙蔭。永康國步。肯契慈緣。

爲南郊預前奏告內中福寧殿玉皇北極諸聖表

伏以天統揆辰。陽郊展報。萬靈皆接。四海駿奔。率禮載虔。惟神所相。式通齋懇。用圻冥休。

爲南郊預前奏告內中東園門聖祖大皇帝諸聖表

伏以涓序一陽。薦馨有昊。已戒期于廟時。將躬執于牲瑄。力是多儀。理資冥祐。敢緣齋告。用集禱祥。

爲南郊預前奏告內中神御慈德一殿諸帝后表

伏以祇率舊章。恭承嚴配。聿奏齋明之式。將勤信次之行。靈蔭所敷。眇躬是賴。庶成熙事。無累先猷。

爲南郊預前于永定陵奏告真宗皇帝莊獻莊懿莊惠皇太后表

伏以推策涓辰。燔柴令典。適勤眇質。躬對上靈。惟齋禋之多儀。竝訓謀之成式。更祈慈蔭。助集鴻休。